



SAMBAND ÍSLENSKRA SVEITARFÉLAGA

Forsætisráðuneytið
Stjórnarráðshúsinu við Lækjartorg
101 Reykjavík

Reykjavík 22. janúar 2021

2101020SA TP
Málalykill: 00.64

Efni: Breytingar á stjórnarsýslulögum vegna starfshátta kærustjórnvalda - frumvarpsdrög í samráðsgátt stjórnvalda - mál nr. S-7/2021

Samband íslenskra sveitarfélaga hefur ekki efnislegar athugasemdir við frumvarpsdrögin en heldur til haga þeim almennu sjónarmiðum sem fram komu í umsögn þess á fyrri stigum m.a. um frestun réttaráhrifa (mál nr. S-273/2020 í samráðsgátt).

Í mati á áhrifum lagasetningar (sem er fylgiskjal með frumvarpsdrögunum) er frá því greint að áhrif á fjárhag sveitarfélaga séu metin engin eða óveruleg. Þá er talið að stjórnvöld séu reiðubúin að sinna þeim skyldum sem frumvarpið hefur í för með sér. Hvað þetta varðar er minnt á að sveitarfélögin eiga aðild að málum hjá úrskurðarnefndum sem stjórnvöld. Nái frumvarpsdrögin fram að ganga mun það m.a. þýða að sveitarfélag geti þurft að sæta frestun á réttaráhrifum úrskurðar varðandi stjórnvaldsákvörðun sem sveitarfélagið hefur tekið.

Sambandið gerir út af fyrir sig ekki athugasemd við þessa niðurstöðu um kostnaðaráhrif en áréttar að dæmi eru vissulega um að ákvarðanir sveitarfélaga hafi lent í mjög langdreginni og flókinni málsmeðferð hjá kærustjórnvöldum og síðan dómstólum. Í einhverjum tilvikum geta kostnaðaráhrif af slíkri málsmeðferð orðið veruleg ekki síst ef í hlut eiga lítil sveitarfélög og kærunefnd sem vegna málafjölda tekst ekki að standa við lögbundna úrskurðarfresti.

Mál af þessum toga vekja óhjákvæmilega þá spurningu hvort því markmiði sem að er stefnt sé í reynd náð þ.e. að kærustjórnvöld veiti einfalda, sérhæfða og skjóta úrlausn mála. Ef þeim tilvikum fjölgar þar sem kærumeðferð gerir ekki annað en lengja málsmeðferð og bið eftir niðurstöðu kann það að liggja beinna við að efla dómstóla til þess að fjalla um mál og nýta þau úrræði sem þar bjóðast m.a. flýtimeðferð.

Ástæða er til þess að löggjafinn vegi og meti slík sjónarmið.

Virðingarfyllt

SAMBAND ÍSLENSKRA SVEITARFÉLAGA

Karl Björnsson
framkvæmdastjóri